

## **ORDENANZA REGULADORA DA TAXA POR SERVICIOS DE DISTRIBUCIÓN DE AUGA, GAS, ELECTRICIDADE E OUTROS ABASTECIMENTOS PÚBLICOS INCLUÍDOS OS DEREITOS DE ENGANCHE DE LIÑAS E COLOCACIÓN E UTILIZACIÓN DE CONTADORES E INSTALACIÓNS ANÁLOGAS, CANDO DITOS SERVICIOS OU SUBMINISTROS SEXAN PRESTADOS POR ENTIDADES LOCAIS**

### **Artigo 1. Natureza e fundamento**

No uso das facultades concedidas polos artigos 133.2 e 142 da Constitución, polo artigo 106 da Lei 7/85, de 2 de abril, reguladora das bases do réxime local, e os artigos 20 e 58 da Lei 39/88, de 28 de decembro, e de conformidade co disposto nos artigos 15 a 19 da Lei 39/88, de 28 de decembro, acorda a imposición e ordenación da **Taxa por servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas, cando ditos servicios ou subministros sexan prestados por entidades locais.**

### **Artigo 2. Feito imponible**

Constitúen o feito imponible da Taxa a prestación dos servicios de distribución de auga, gas, electricidade e outros abastecementos públicos incluídos os dereitos de enganche de liñas e colocación e utilización de contadores e instalacións análogas.

### **Artigo 3. Suxeitos pasivos**

Serán suxeitos pasivos contribuíntes as persoas físicas ou xurídicas e as entidades ás que se refire o artigo 33 da Lei xeral tributaria que ocupen ou utilicen as vivendas e locais situados nos lugares, prazas, rúas ou vías públicas nas que se preste o servicio, xa sexa a título de propietario ou de usufructuario, habitacionista, arrendatario ou incluso de precario.

Terán a consideración de suxeitos pasivos substitutos do contribuínte os propietarios das vivendas ou locais que poderán repercutir, no seu caso, as cotas satisfeitas sobre os usuarios daquelas, beneficiarios do servicio.

### **Artigo 4. Responsables**

Serán responsables solidarias das obrigas tributarias dos suxeitos pasivos as persoas físicas e xurídicas ás que se refiren os artigos 38.1 e 39 da Lei xeral tributaria.

Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei xeral tributaria.

## Artigo 5. Cota tributaria

A cota desta taxa será a que figura no anexo desta ordenanza.

## Artigo 6. Beneficios fiscais

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

## Artigo 7. Dereito a percibir

a) Cando se trate de servicios non periódicos:

Tense dereito a percibi-la taxa e nace a obriga de contribuír cando se presente a solicitude de prestación do servicio ou actividade.

b) Cando se trate de servicios periódicos:

Tense dereito a percibi-la taxa e nace a obriga de contribuír o primeiro día de cada ano natural, excepto no momento da alta no padrón, caso no que se percibirá a partir dese mesmo momento.

## Artigo 8. Liquidación

a) Cando se trate de servicios non periódicos:

- Cando se trate de servicios ou actividades cunha liquidación que se poida cuantificar no momento de presenta-la solicitude de prestación, liquidarase nese mesmo momento ou no momento posterior, pero sempre antes de presta-lo servicio ou de realiza-la actividade.
- Cando se trate de servicios ou actividades cunha liquidación que non se poida cuantificar no momento de presenta-la solicitude da prestación do servicio ou da realización da actividade, practicarase a liquidación unha vez prestado o servicio ou realizada a actividade.
- Se realiza a prestación do servicio ou a actividade sen mediar solicitude, liquidarase e notificarase a taxa tan pronto se detecte esta situación, esixíndose o ingreso nos prazos previstos no Regulamento xeral de recadación para a liquidación de contraído previo, sen prexuízo de abri-lo oportuno expediente sancionador por infracción tributaria.

b) Cando se trate de servicios periódicos:

Practicarase a liquidación única anual ou coa periodicidade que se determine nas tarifas desta taxa.

## Artigo 9. Ingreso

O pagamento desta taxa realizarase:

- Cando se trate de liquidacións cunha cuantificación que se poida efectuar antes de presta-lo servizo ou de levar a cabo a actividade, realizarase o ingreso antes da prestación do servizo ou realización da actividade na Tesourería municipal ou nas entidades financeiras que se sinalen na liquidación.
- Cando se trate de liquidacións cunha cuantificación que non se poida efectuar con anterioridade á prestación do servizo ou realización da actividade, farase o ingreso nos prazos e lugares que se sinalen na liquidación.
- Cando se trate de liquidacións periódicas, nos prazos e nos lugares que se sinalen no edicto de exposición ó público.

## Artigo 10. Infraccións e sancións

Nesta materia estarase ó disposto na Lei xeral tributaria e normativa de desenvolvemento.

## Artigo 11. Normas de xestión

- As persoas ou entidades interesadas na prestación dos servizos que se citan no artigo segundo desta ordenanza, deberán presentar solicitude por escrito na que se detalle o lugar para o que se solicita e demais requisitos que esixa cada concello.
- Unha vez autorizada a prestación do servizo entenderase prorrogado mentres non se presente a declaración de baixa polo interesado, a non ser que se trate de servizos non periódicos.
- Cando remate a necesidade do servizo, por cambio de propietario ou declaración de ruína do inmovible, os suxeitos pasivos substitutos do contribuínte formularán as declaracións de baixa no padrón da taxa e surtirá efectos no período natural seguinte ó da súa presentación, podendo, no seu caso, prorratearse polo período de liquidación das tarifas. A non presentación da baixa determinará a obriga de continuar aboando a taxa.

## DISPOSICIÓN ADICIONAL ÚNICA

Cando existan os convenios de colaboración ós que fai referencia o artigo 27.2 da Lei 39/88, do 28 de decembro, os procedementos de liquidación e recadación regulados nos artigos 8 e 9 desta ordenanza cederán ante a regulación prevista nos convenios.

## DISPOSICIÓN FINAL

A presente modificación, aprobada por acordo plenario do 5 de outubro de 2007, entrará en vigor e comezará a aplicarse a partir do 1 de Xaneiro de 2008 e rexerá ata a súa modificación ou derogación expresas.

	Acordo	Publicación
Aprobación inicial	Pleno 23.11.1998	BOP 03.02.1999
Actualización cota	Pleno 13.12.2002	BOP 12.03.2003
Actualización cota	Pleno 10.11.2003	BOP 26.12.2003
Modificación	Pleno 08.11.2004	BOP 30.12.2004
Modificación	Pleno 10.11.2005	BOP 16.11.2005
Modificación	Pleno 13.11.2006	BOP 30.12.2006
Modificación	Pleno 05.10.2007	BOP 11.12.2007

## ANEXO

### Primeiro. Tarifa

#### I. ZONA URBANA

##### 1. USOS DOMÉSTICOS

1.1.1. Vivendas con valor catastral igual ou inferior a 30.000 € no caso de que constitúan residencia habitual ou permanente de unidades familiares nas que os ingresos non rebasen o salario mínimo interprofesional:

- Primeiro bloque, mínimo ata 15 m <sup>3</sup> mensuais:	0,19€/m <sup>3</sup>
- Segundo bloque, máis de 15 m <sup>3</sup> mensuais:	0,30€/m <sup>3</sup>
- Cota de servicio mensual:	0,46 €

1.1.2. Vivendas que constitúan residencia habitual ou permanente de persoas beneficiarias da Renda de Inserción Social de Galicia-Risga:

- Primeiro bloque, mínimo ata 15 m <sup>3</sup> mensuais:	0,02€/m <sup>3</sup>
- Segundo bloque, máis de 15 m <sup>3</sup> mensuais:	0,03€/m <sup>3</sup>
- Cota de servicio mensual:	0,04€

1.1.3. Resto de vivendas:

- Primeiro bloque, mínimo ata 15 m <sup>3</sup> mensuais:	0,35€/m <sup>3</sup>
- Segundo bloque, máis de 15 m <sup>3</sup> mensuais:	0,59€/m <sup>3</sup>
- Cota de servicio mensual:	0,93 €

##### 2. USOS INDUSTRIAIS

- Primeiro bloque, mínimo ata 25 m <sup>3</sup> mensuais:	0,35€/m <sup>3</sup>
- Segundo bloque, máis de 25 m <sup>3</sup> mensuais:	0,59€/m <sup>3</sup>
- Cota de servicio mensual:	0,93 €

---

## II. ZONA RURAL

---

### 1. USOS DOMÉSTICOS

1.1.1. Vivendas con valor catastral igual ou inferior a 30.000 € no caso de que constitúan residencia habitual ou permanente de unidades familiares nas que os ingresos non rebasen o salario mínimo interprofesional:

- Primeiro bloque, mínimo ata 15 m <sup>3</sup> mensuais:	0,12€/m <sup>3</sup>
- Segundo bloque, máis de 15 m <sup>3</sup> mensuais:	0,16€/m <sup>3</sup>
- Cota de servizo mensual:	0,46 €

1.1.2. Vivendas que constitúan residencia habitual ou permanente de persoas beneficiarias da Renda de Inserción Social de Galicia- RISGA

- Primeiro bloque, mínimo ata 15 m <sup>3</sup> mensuais:	0,01€/m <sup>3</sup>
- Segundo bloque, máis de 15 m <sup>3</sup> mensuais:	0,02€/m <sup>3</sup>
- Cota de servizo mensual:	0,04€

1.1.3. Resto de vivendas:

- Primeiro bloque, mínimo ata 15 m <sup>3</sup> mensuais:	0,25€/m <sup>3</sup>
- Segundo bloque, máis de 15 m <sup>3</sup> mensuais:	0,35€/m <sup>3</sup>
- Cota de servizo mensual:	0,93 €

### 2. USOS INDUSTRIAIS

- Primeiro bloque, mínimo ata 25 m <sup>3</sup> mensuais:	0,35€/m <sup>3</sup>
- Segundo bloque, máis de 25 m <sup>3</sup> mensuais:	0,59€/m <sup>3</sup>
- Cota de servizo mensual:	0,93 €

---

### ACOMETIDAS: DEREITOS DE ENGANCHE

- Por vivenda:	21,96 €
- Por local comercial ou industrial:	36,56 €
- No caso das plantas sen dividir, o importe obturase de multiplicar 36,56€ polo número de vivendas que corresponda á planta tipo.	

---

### GARANTÍAS:

#### 1. USOS DOMÉSTICOS

- Propietarios:	36,56 €
- Inquilinos:	73,01 €

#### 2. USOS INDUSTRIAIS

- Propietarios:	73,01 €
- Inquilinos:	146,03 €

#### 3. OBRAS DE CONSTRUCCIÓN

146,03 €

---

## Segundo. Outras normas especiais de xestión

### 1. Declaracións de alta e de baixa:

- a) O suxeito pasivo formulará declaración de alta no censo ou padrón da taxa, momento no que se liquidará a mesma, prorratable, no seu caso, por meses.

- b) O suxeito pasivo formulará declaración de baixa no censo ou padrón da taxa, o que terá efectos no período seguinte ó de presentación da mesma, prorrateable, no seu caso, por meses.
2. Se utiliza o servizo sen mediar solicitude darase a alta de oficio no correspondente padrón e liquidarase e notificarase ó suxeito pasivo a liquidación polo período non declarado, sen prexuízo das sancións e recargas que procedan.
3. Unha vez producida a alta no correspondente padrón, a liquidación desta taxa farase polo procedemento de padrón ou matrícula.
4. O pagamento da taxa realizarase:
  - a) Tratándose da primeira liquidación, non exaccionada por padrón, no momento de presentarse a solicitude, en calidade de depósito previo, e o seu ingreso farase efectivo na Tesourería municipal ou en lugar que determine a Alcaldía-Presidencia.
  - b) Tratándose de liquidacións practicadas de oficio polo Concello, serán notificadas ós suxeitos pasivos, que poderán facelas efectivas en vía voluntaria no prazo dun mes, sen prexuízo das sancións e recargas que procedan.
  - c) Tratándose de liquidacións efectuadas por padrón ou matrícula, o cobramento farase por bimestres vencidos, en período voluntario, no prazo de dous meses desde a correspondente publicación no Boletín Oficial da Provincia, de conformidade co disposto no Regulamento Xeral de Recadación.
5. Iniciado o período de cobranza, intentarase o cobramento a domicilio para todos aqueles contribuíntes que non teñan domiciliados os seus recibos.

Transcorrido o dito período procederase ó seu cobramento pola vía de constrinximento, de conformidade co disposto no Regulamento Xeral de Recadación.
6. Tanto a falta de pagamento como o uso da auga para fins distintos do doméstico ou industrial entenderanse como renuncia do usuario á prestación do servizo, co conseguinte corte da subministración previa audiencia do interesado.

**Terceiro. Data de aprobación:** 23 de novembro de 1998.